

HARI	:	KHAMIS
TARIKH	:	8/8/2019
M/SURAT	:	43

Bengkung diciplak: Muhammad Sajjad rugi lagi

JOHOR BAHRU 7 Ogos - Usahawan kosmetik, Muhammad Sajjad Kamaruz Zaman atau lebih dikenali sebagai Nur Sajat mengalami kerugian apabila produk Let's Cantik tiruan dijual di tujuh premis sekitar daerah ini.

Bengkung daripada produk tiruan itu kelihatan seakan sama dengan produk asal keluaran syarikat Nur Sajat, selaku pemilik cap dagang tersebut.

Namun kegiatan menjual produk tiruan itu tidak dapat bertahan lama apabila dapat dihidu Nur Sajat, 34, sebelum Kementerian Perdagangan Dalam Negeri dan Hal Ehwal Pengguna (KPDNHEP) negeri melakukan siasatan.

Berikutan itu pihak KPDNHEP negeri bersama-sama Nur Sajat melakukan serbuan di tujuh premis berkenaan bermula pukul 6 petang semalam dan merampas 147 bengkung tiruan bernilai RM17,455.

Ketua Pegawai Penguat kua-

sanya, Zubir Hamsa berkata, kesemua barangan yang dirampas itu adalah berupa bengkung daripada jenama Let's Cantik.

"Tindakan ini adalah hasil pemantauan dan risikan KPDNHEP bersama-sama pemilik cap dagang produk berkenaan iaitu Nur Sajat dalam operasi yang dilakukan sekumpulan pegawai dan anggota penguat kuasa KPDNHEP negeri.

"Operasi dijalankan selepas pemilik produk membuat laporan kepada pihak kami kira-kira dua minggu lalu, beliau (Nur Sajat) terlibat dalam operasi ini yang bertujuan untuk memban-tu kita kenal pasti produk ciplak," katanya dalam sidang akhbar di Menara Ansar, di sini hari ini.

Menurut Zubir, hasil pemeriksaan dilakukan, pemilik cap dagang itu mengesahkan yang produk dirampas ini turut mempunyai tiga ke empat ciri berbeza daripada produk tulen yang dipasarkan hasil pemeriksaan yang dilakukan.



ZUBIR HAMSA (dua dari kanan) menunjukkan bengkung Let's Cantik dipercayai tiruan yang dirampas dalam serbuan di Bandar Baru Uda dan Pandan pada sidang akhbar di pejabat KPDNHEP negeri, Johor Bahru, semalam.